

B.K. 1974 tria premio  
Kuroda Masayuki -. Japanio

### **Supren penetris frost'**

Glacia vent trablovis vangojn tranĉe,  
kirlante mortfoliojn sur la strat',  
taksioj preterkuris konsonance,  
bruegis kamionoj sen kompat'.  
Venis neniu bus' ĉe l' haltejfoŝt'.  
Penetris supren de du plandoj frost'.  
    Nudpintaj platanbranĉoj staris treme,  
    enpikis en ĉielon de bluet',  
    postsunsbiraj nuboj brumis splene,  
    transfluis jet' en ŝarka siluet',  
    dronis tenebren jam ruĝkest' de poŝt'.  
    Penetris supren tra genuoj frost'.  
Provoke ĉe l' amaso bus-embuska  
taksion stopis junoficistin'.  
Reflekse povris mia viv' krepuska,  
momente ridis sarkasma destin'.  
Daŭris pentebloj jaroj jam depost  
milit'. En kor' trafultimis mensa frost'.  
    Juntage mi ja laboradis sklave,  
    timante senlaboron pro panik'.  
    Junulojn nun dorlotas tiel grave  
    kiel la oran ovon sen kritik'!  
    Ĉu laŭ destin' ĉenite de l' karma vost'  
    mi devis, devos vivi plu en frost'?!  
Jam nokt' vualis, frida vent' inferis,  
rektsupre jet' tondriris, fi-gangren',  
blindigis reflektoroj; ne aperis  
aĥ buso, ... ĉu tro stagnis pro homplen'?'  
Spite de rezignaciem' ĝis ost'  
jam pelis min ekpaŝi korpa frost'.  
    Laŭlonge de senĉesa aŭta fluo  
    sur trotuar' kuretis kontraŭ vent'  
    por gajni varmon kun dilema skuo,  
    ĉu buso preterkuros en moment'.  
    Vivo verŝajnas veto kun ripost'!  
    Nur fuĝo prompta for de l' nuna frost'.

### Reutao

Surstrate pikis  
min vespervent' froŝttrema,  
elteno vekis  
defian forton eĉ en mi  
denaske rezignema.  
    La adoleska  
    aspiro jam senspuris,

en viv' krepuska  
ankoraŭ mi vegetas,  
destina frost' min torturis.

Jam publikgiita en 25 jaroj, Antologio de Belartaj Konkursoj, HEA 1979.